

金上甄商伏金漢等蓋中翰

全晉文卷一百十二

烏程嚴可均校輯

陶潛

讀史述九章

余讀史記有所感而述之

夷齊

二子讓國相將海隅天人革命絕景窮居采薇高歌慨想黃虞貞

風凌俗爰感懦夫

本集藝文類聚二十六

箕子

去鄉之感猶有遲遲矧伊代謝觸物皆非哀哀箕子云胡能夷狡

童之歌懷矣其悲

管鮑

知人未易相知實難淡美初交利乖歲寒管生稱心鮑叔必安奇

情雙亮令名俱完

程杵

遺生良難士爲知己望義如歸允伊二子程生揮劒懼茲餘恥令
德永聞百代見紀

七十二弟子

恂恂舞雩莫曰匪賢俱映日月共飡至言慟由才難感爲情牽回
也早天賜獨長年

屈賈

進德脩業將已及時如彼稷契孰不願之嗟乎二賢逢世多疑候
瞻寫志感鵬獻辭

韓非

豐狐隱穴已文自殘君子失時白首抱關巧行居災伎辯召患哀
矣韓生竟死說難

魯二儒

易代隨時迷變則愚介介若人特爲貞夫德不百年汗我詩書逝

焉不顧被褐幽居

本集藝文類聚三十六

張長公

達哉長公蕭然何事世路皆同而我獨異斂轡竭來閑養其志寢

疾窮年誰知斯意

本集藝文類聚三十六

尚長禽慶贊

尚子昔薄宦妻孥共早晚貧賤與富貴讀易悟益損禽生善周游

周游日已遠去矣尋名山上山豈知反

藝文類聚三十六

扇上畫贊

荷蓀丈人

三五道邈清風日盡九流參差互相推隕形逐物遷心無常準是

已達人有時而隱四體不勤五穀不分超超丈人日夕在耘

本集

長沮桀溺

遼遼沮溺耦耕自欣入鳥不駭雜獸斯羣本集

於陵仲子

至矣於陵養氣浩然蔑彼結駟甘此灌園本集

張長公

張生一仕曾曰事還顧我不能高謝人間本集

丙曼容

岌岌丙公望崖輒歸匪驕匪吝前路威夷本集

鄭次都

鄭叟不合垂釣川溜交酌林下清言究微本集

薛孟嘗

孟嘗遊學天網時疏眷言哲友振褐偕徂本集

周陽珪

藝文類聚
作周妙珪

美哉周子稱疾閒居寄心清尚恬然自娛翳翳衡門洋洋泌流日
玩琴書顧眄寡儔飲河既足自外皆休緬懷千載託契孤遊

本集
藝文

類聚三
十六

天子孝傳贊

虞舜 夏禹 殷高宗 周文王

虞舜父頑母嚚事之于畎畝之間曰孝烝烝是曰堯聞而授之富
有天下貴爲天子曰爲不順于父母若窮而無歸惟聞親可曰得
意苟違朝夕若嬰兒之思戀故稱舜五十而慕書曰戛擊鳴球搏
拊琴瑟曰詠祖考來格言思其來而訓之愛敬盡于事親是曰德
教加于百姓刑于四海夏禹有天下曰奉宗廟然躬自菲薄曰厚
其孝孔子曰禹吾無間然矣菲飲食而致孝乎鬼神惡衣服而致
美乎黻冕禹之德于是稱聞聖人之德無曰加于孝敬孝敬之道
美莫大焉殷高宗諒陰三年不言百官總已曰聽于冢宰三年而

後言天下咸歡德教大行殷道曰興詩曰一人有慶兆民賴之其此之謂乎周文王之爲世子也朝于王季日三雞鳴至于寢門問于內豎內豎曰安文王乃喜不安則色憂行不能正履日中暮亦如之食上必視寒溫之節食下必問所膳而後退文王孝道光大于化自近至遠刑于寡妻曰御于家邦故得萬國之歡心曰事其先王矣贊曰至哉后德聖敬自天陶漁致養菲薄享先親瘠色憂諒陰寢言一人有慶千載賴旃

本集

諸侯孝傳贊

周公旦 魯孝公 河閒惠王

周公旦武王之弟成王幼少周公攝政制禮作樂郊祀后稷曰配天宗祀文王于明堂曰配上帝是曰四海之內各曰其職來祭詩曰於穆清廟肅雍顯相言諸侯樂其位而敬其事也仲尼曰孝莫大于嚴父嚴父莫大于配天則周公其人也貴而不驕位高彌謙

自承文武之休烈孝道通于神明光被四海武王封之于魯備其
禮樂曰奉宗廟焉魯孝公之爲公子周宣王問公子能道訓諸侯
者立之樊穆仲稱其孝曰肅恭明神而敬事耆老賦事行刑必問
于遺訓咨于故實不干所問不犯所咨王曰然則能訓理其民矣
乃命之于夷宮是爲孝公夫宗廟致敬不忘親也有國不亦宜乎
漢河閒惠王獻王之曾孫也西京藩臣多驕放之失其名德者唯
獻王而惠王繼之漢書稱其能脩獻王之行母薨服喪盡禮哀帝
下詔書褒揚曰爲宗室儀表增封萬戶禮古之人皆然至于末俗
衰薄固已賢矣貴而率禮又難其見褒賞不亦宜乎贊曰貴驕殊
途不期而會周公勞謙乃成光大二侯承魯遵儉去泰河閒率禮

漢宗是賴

本集

卿大夫孝傳贊

孔子人孟莊子

穎考叔

孔子魯人也入則事父兄出則事公卿喪事不敢不勉故稱曰孝
乎惟孝友于兄弟是亦爲政也君賜腥必熟而薦之雖蔬食而齊
祭如在鄉人儺朝服而立于阼階孝之至也至德要道莫大于孝
是呂曾參受而書之游夏之徒常咨稟焉許止不嘗藥書曰殺父
宰我暫言滅喪責呂不仁言合訓典行合世範德義可尊作事可
法遺文不朽揚名千載孟莊子魯人也孔子稱其孝其他可能也
其不改父之政與父之臣是難能也夫孝子之事親也事亡如事
存故當不義則爭之存所不爭則亡亦不敢改父之道猶謂之孝
況終身乎穎考叔鄭人也莊公呂叔段之故與母誓曰不及黃泉
無相見也旣而悔之考叔爲封人間之有獻于公公賜之食而舍
肉公問之對曰小人有母未嘗君之羹請以遺之公曰汝有母遺
繫我獨無考叔曰何謂也公語之故且告之悔考叔曰若掘地及
泉隧而相見其誰曰不然公從之遂爲母子如初君子曰穎考叔

純孝也愛其母而施及莊公詩云孝子不匱永錫爾類其是之謂
乎贊曰仁惟本悌聖亦基孝恂恂尼父固天攸造二子承親式禮
遵誥永錫純懿無改遺操

本集

士孝傳贊

高柴 樂正子春

孔奮

黃香

高柴衛人也喪親泣血三年未嘗見齒所謂哭不偯言不文也爲
武城宰而化行民有不服其親者改之行喪如禮君子之德風也
曰身先之而民不遺其親樂正子春魯人也下堂傷足旣瘳數月
不出猶有憂色曰吾聞之曾子父母全而生之已全而歸之可謂
孝矣故君子一舉足一出言不敢忘父母不敢毀傷孝之始也夫
能敬慎若斯而災患及者未之有也孔奮扶風人也少曰孝行著
名州里供養至謹在官唯母極甘美妻息菜食歷位曰清夫人情
莫不欲厚其親然亦有分焉奮則難繼能致儉已全養者鮮矣黃

香江夏人也九歲失母思慕骨立事父竭力已致養冬無被袴而盡滋味暑則扇床枕寒則已身溫席漢和帝嘉之特加異賜歷位恭勤寵祿榮親可謂夙興夜寐無忝爾所生者也贊曰

顯允羣士行殊名鈞咸能夙夜已義榮親率彼城邑用化厥民忠

已悟主其孝乃純

本集

庶人孝傳贊

江革 廉範 汝郁 殷陶

江革齊人也漢章帝時避賊負母而逃賊賢之不害而告其生路竭力傭債已致甘暖和顏悅色已盡歡心欲親之安自挽車已行鄉人歸之號曰江巨孝位至五官中郎將天子嘉焉寵遇甚厚告歸詔書褒美就家禮其終身已顯異行廉範京兆人也少孤十五入蜀迎父喪遇后船覆範執骸一作抱棺而沒船人救之僅免于死遂已喪歸及仕郡拯太守于危難送故盡節章帝時爲郡守百姓歌

詠之夫孝者人之本教之所由生也是呂範之臨危也勇宰民也
惠能呂義顯也汝郁陳郡人也五歲母病不食郁亦不食母憐之
強食郁能察色知病輒復不食族人號曰異童年十五著于鄉里
父母終思慕致委推財與兄弟隱于草澤君子曰爲難沉童亂孝
于自然可謂天性也殷陶汝南人也年十二曰孝稱遭父憂率情
合禮有長蛇帶其門舉家奔走陶曰喪柩在焉獨居廬不動親戚
扶持曉諭莫能移之啼號益盛由是顯名屢辭辟命夫智者不惑
勇者不懼陶孝于其親而智勇竝彰乎弱齡斯又難矣贊曰
事親盡歡其難在色彼養呂祿我養呂力義在一作存愛敬榮不假
飾嗟爾眾庶鑒茲前式本集

晉故征西大將軍長史孟府君傳

君諱嘉字萬年江夏鄂人也曾祖父宗曰孝行稱仕吳司馬

案晉書子孟

陋傳袁宏孟處士銘作司空世說賢媛篇注作司徒此作司馬必有一誤

祖父揖元康中爲廬陵太守

宗葬武昌新陽縣子孫家焉遂爲縣人也君少失父奉母二弟居娶大司馬長沙桓公陶侃第十女閨門孝友人無能閒鄉閭稱之沖默有遠量弱冠儔類咸敬之同郡郭遜曰清操知名時在君右常歎君溫雅平曠自己爲不及遜從弟立亦有才志與君同時齊譽每推服焉由是名冠州里聲流京邑太尉潁川庾亮曰帝舅民望受分陝之重鎮武昌并領江州辟君部廬陵從事下郡還亮引見問風俗得失對曰嘉不知還傳當問從吏亮曰麈尾掩口而笑諸從事旣去喚弟翼語之曰孟嘉故是盛德人也君旣辭出外自除吏便步歸家母在堂兄弟共相歡樂怡怡如也旬有餘日更版爲勸學從事時亮崇脩學校高選儒官曰君望實故應尚德之舉太傅河南褚裒簡穆有器識時爲豫章太守出朝宗亮正旦大會州府人士率多時彥君在坐次甚遠裒問亮江州有孟嘉其人何在亮云在坐卿但自覓裒歷觀遂指君謂亮曰將無是邪亮欣然

而笑喜褒之得君奇君爲褒之所得乃益器焉舉秀才又爲安西將軍庾翼府功曹再爲江州別駕巴丘令征西大將軍譙國桓溫參軍君色和而正溫甚重之九月九日溫遊龍山參佐畢集四弟二甥咸在坐時佐吏竝著戎服有風吹君帽墮落溫目左右及賓客勿言曰觀其舉止君初不自覺良久如廁溫命取已還之廷尉

太原孫盛

案晉書孫盛傳未言爲廷尉

爲諮議參軍時在坐溫命紙筆令嘲之

文成示溫溫已著坐處君歸見嘲笑而請筆作答了不容思文辭超卓四坐歎之奉使京師除尚書刪定郎不拜孝宗穆皇帝聞其名賜見東堂君辭已腳疾不任拜起詔使人扶入君嘗爲刺史謝永別駕永會稽人喪亡君求赴義路由永興高陽許詢有雋才辭榮不仕每縱心獨往客居縣界嘗乘船近行適逢君過歎曰都邑美士吾盡識之獨不識此人唯聞中州有孟嘉者將非是乎然亦何由來此使問君之從者君謂其使曰本心相過今先赴義尋還

就君及歸遂止信宿雅相知得有若舊交還至轉從事中郎俄遷
長史在朝隤然仗正順而已門無雜賓嘗會神情獨得便超然命
駕逕之龍山顧景酣宴造夕乃歸溫從容謂君曰人不可無勢我
乃能駕御卿後曰疾終于家年五十一始自總髮至于知命行不
苟合言無夸矜未嘗有喜愠之容好酣飲逾多不亂至于任懷得
意融然遠寄倘若無人溫嘗問君酒有何好而卿嗜之君笑而荅
曰明公但不得酒中趣爾又問聽妓絲不如竹竹不如肉荅曰漸
近自然中散大夫桂陽羅含賦之曰孟生善酣不愆其意光祿大
夫南陽劉耽昔與君同在溫府淵明從父太常夔嘗問耽君若在
當已作公否荅云此本是三司人爲時所重如此淵明先親君之
第四女也凱風寒泉之思實鍾厥心謹案採行事撰爲此傳懼或
乖謬有虧大雅君子之德所已戰戰兢兢若履深薄云爾贊曰
孔子稱進德脩業已及時也君清蹈衡門則令聞孔昭振纓公朝

則德音允集道悠運促不終遠業惜哉仁者必壽豈斯言之謬乎

本集

五柳先生傳

先生不知何許人也亦不詳其姓字宅邊有五柳樹因曰爲號焉
閒靜少言不慕榮利好讀書不求甚解每有會意欣然忘食性嗜
酒家貧不能恆得親舊知其如此或置酒而招之造飲輒盡期在
必醉既醉而退曾不吝情去畱環堵蕭然不蔽風日短褐穿結簞
瓢屢空晏如也常著文章自娛頗示己志忘懷得失曰此自終贊
曰

黔婁有言不戚戚于貧賤不汲汲于富貴其言茲若人之儔乎酬

觴賦詩曰樂其志無懷氏之民歟葛天氏之民歟

本集又昭明太子陶淵明傳晉

書陶潛傳宋書陶潛傳

祭程氏妹文